

Ulmmejáksáma dábddomerka sámegiella vuostasjiellan Jo2 viddnofágalasj oahppoprográmma manñela.

**Dábddomerka dan máhtudahkaj mav oahppe vuonet ábbálattjat, sihke njálmálattjat ja tjálalattjat, sámegiella vuostasjiellan-fágan, Jo2 viddnofágalasj oahppoprográmma manñela.**

Dábddomerka gulluji sihke njálmálasj ja tjálasj máhtudagá ábbálasj árvustallamij ja dajt galggá oahppoplána siegen adnet.

<b>Binná máhtudahka fágan, karakterra 2</b>	<b>Buorre máhtudahka fágan, karakterra 4</b>	<b>Sierralágásj máhtudahka fágan, karakterra 6</b>
Oahppe ságastallá ja ávddånbuktá ietjas vuojnojt ja ájådusåjt oahpes fågalasj åssijjn. Oahppe tjuovvu gå iehtjåda ietjasa vuojnojt åvddånbukti, majda avtagerdak respånsåv vaddå.	Oahppe ságastallå ja åvddånbuktå, tjielggi ja argumentieri ietjas vuojnojt ja åjådusåjt fågalasj åssijjda. Oahppe tjuovvu gå iehtjåda ietjasa vuojnojt åvddånbukti, ja vaddå åssjåsasj respånsåv.	Oahppe dåjmalattjat ságastallå ja åvddånbuktå, tjielggi ja argumentieri ietjas vuojnojt ja åjådusåjt fågalasj åssijjda vuodulattjat ja åssjåsattjat. Oahppe dårkkelit tjuovvu gå iehtjåda ietjasa vuojnojt åvddånbukti, gatjådallå daj birra ja vaddå ulmmelasj respånsåv.

<p>Oahppe guládallá dádjahahte láhkáj sihke njálmálattjat ja tjálalattjat. Oahppe adná nágin fáhkabuojkuldagájt ja hiebat muhtem mudduj ávddánbuktemijt tiemáj ja barggovuogij gáktuj.</p>	<p>Oahppe buoragit guládallá sihke njálmálattjat ja tjálalattjat. Oahppen la buorre fáhkagiella ja hiebat ja vällji ávddánbuktemijt ja guládallamteknologijjav tiemáj ja barggovuogij milta.</p>	<p>Oahppe guládallá tjielggasit ja ulmmelattjat sihke njálmálattjat ja tjálalattjat. Oahppen la dárkkelis ja guoskavasj fáhkagiella gá ávddánbukta dakkir láhkáj mij la hiebaduvvam iesjuhtik tiemájda ja barggoprosessajda.</p> <p>Oahppe iesjrádálattjat vällji dárboj milta ulmmelasj guládallamteknologijjav.</p>
<p>Oahppe láhká ja dádjat iesjuhtiklágásj tevstajt. Oahppe dálkku ja guoradallá muhtem mudduj diedojt majt la álkke gávnnat tevstajn.</p>	<p>Oahppe láhká ja dádjat buoragit iesjuhtiklágásj tevstajt. Oahppe guoradallá ja dálkku tevsta sisanov ja vájkkudimnævojt ja ávddánbukta ietjas dálkkumijt tevstas.</p>	<p>Oahppe láhká ja vuoset ájnнасik buorre dádjadusáv iesjuhtiklágásj tevstajs.</p> <p>Ietjas tækstaguoradallamijn li oahppen tjiegnalis refleksjávna ja iesjrádasj dálkkuma tevsta sisanos, hámes ja vájkkudimnævojs.</p>
<p>Oahppe hábbmi iesjuhtiklágásj tevstajt majna I muhtem mudduj hiebalasj hábme, struktuvrra ja sisadno. Oahppe adná nágin oahpes sáme javllamvuogijt ietjas tevstajn. Oahppe divvu dábálasj vigijt ietjas tevstajn ja buoret tevstav áhpadiddje oajvvasusáj milta.</p>	<p>Oahppe hábbmi iesjuhtiklágásj tevstajt majna I buorre hábme, struktuvrra ja sisadno. Oahppe adná iesjuhtiklágásj vuogas sáme javllamvuogijt ietjas tevstajn. Oahppe divvu ja buoret ietjas tevstajt fágalasj ævtoj ja iehtjádij tsuojggidusáj milta. Oahppe árvustallá iehtjádij tevstajt ja buktá rádijit giella- ja tækstamáhtos milta.</p>	<p>Oahppe hábbmi iesjuhtiklágásj tevstajt majna I tjielgga ja ulmmelasj hábme, struktuvrra ja sisadno mij la hiebaduvvam iesjuhtik dárbojda. Oahppe dábddá iesjuhtiklágásj sáme javllamvuogij anov ja vällji diedulattjat dan máhto milta javllamvuogijt ma iesjuhtik tevstajda li vuohkasa ja hiebalgisá. Oahppe árvustallá ja buoret ietjas tevstajt fágalasj ævtoj ja iehtjádij tsuojggidusáj milta. Oahppe</p>

		árvustallá iehtjádij tevstajt ja buktá guoskavasj rádiijt giella- ja tækstamáhtos milta.
Oahppen la avtagerdak báhkoanndudahka ja adná muhtem mudduj árbbedábálasj ja fáhkaguosske buojkuldagájt ja moallánagájt ietjas tevstajn ja praktihkalasj bargojn. Oahppe háldat muhtem mudduj duollatjállema ja mærkkabiedjama guovdásj njuolgadusájt. Oahppe máhtta muhtem mudduj gáldojt adnet.	Oahppen la stuorra báhkoanndudahka ja adná sihke árbbedábálasj ja fáhkaguosske buojkuldagájt ja moallánagájt ietjas tevstajn ja praktihkalasj bargojn. Oahppe háldat buorre mudduj duollatjállemav ja merkaj biedjamav. Oahppe referieri muhtem mudduj, adná buorre mudduj guoskavasj gáldojt ja vuoset gáldojda.	Oahppen la ájnnašik málsudahkes giella ja adná sihke árbbedábálasj ja fáhkaguosske buojkuldagájt ja moallánagájt ulmmelattjat ietjas tevstajn ja praktihkalasj bargujn. Oahppe háldat ájnnašik buoragit duollatjállemav ja merkaj biedjamav. Oahppe tjalmostahtta šitáhtajt, referieri, vällji ja adná gáldojt iesjrádálattjat ja lájttálišát ja vuoset gáldojda tjárggádit ja dárkkelit.
Oahppe máhtta muhtem guovdásj giellaáhpalasj vidjurijt tjielggit. Oahppe vuoset muhtem guovdásj sieradusájda ja muodugasjvuodajda sámegielaš ja ietjá gielaj gaskan. Oahppe dábddá ietjas guovlo sámegiela dilev ja máhtta subtsastit manen la ájnas gielav gáhttit.	Oahppe máhtta dábasj giellaáhpalasj vidjurijt fáhkagielajš tjielggit. Oahppe tjielggi dábasj sieradusájt ja muodugasjvuodajš sámegielaš ja ietjá gielaj gaskan oahpes buojkulvisáj. Oahppe dábddá iesjuhtik sámeguovloš gielladilev dálásj ja vássám ájgen ja máhtta tjielggit manen la ájnas gielav gáhttit.	Oahppe máhtta iesjuhtik giellaáhpalasj vidjurijt iesjrádálattjat tjielggit guoskavasj fáhkagielajš. Oahppe guoskavasj buojkulvisáj tjielggi duov dáv sieradusáv ja muodugasjvuodav sámegielaš ja ietjá gielaj gaskan . Oahppe tjielggi gájksáme perspektijvan sámegielaš dálásj ja ávdusj dile vidjurijt ja vuodus manen la ájnas gielav gáhttit.

<p>Oahppe máhtta subtsastit oahpes, guovdásj ásiit sáme subtsastallamárbbedábes. Oahppe máhtta vuosedit muhtem tjielgga sieradusájda ja muodugasjvuodajda sáme ja ietjá iemeálmugij tevstaj gaskan.</p>	<p>Oahppe máhtta sáme subtsastallamárbbedábe iesjguhtik bielijt tjielggit ja oahpes subtsasij sisano hárráj reflektierit. Oahppe máhtta buojkodit gáktu sáme subtsastallamárbbedáhpe l dálásj sáme kultuvrraj tjanádum. Oahppe vuoset ja tjielggi buojkulvisáj gáktu sámij ja ietjá iemeálmugij tevsta li muodugattja ja sierralágátja.</p>	<p>Oahppe árvaladdá iesjguhtik vidjuriijt sáme subtsastallamárbbedábes sihke dálásj ájge ja vássám ájge gáktuj. Oahppe árvaladdá gáktu iesjguhtik sáme subtsasijn vuohttuji sáme árvo ja árvaladdá gáktu sáme subtsastallamárbbedáhpe ja sáme kultuvra aktan gulluji (ájgij tjadá).</p> <p>Gå oahppe iesjguhtiklágásj sáme subtsasijit dålkku de iesjradálattjat árvaladdá, ja snivva buhtastahtta guoskavasj vidjuriijt sáme subtsasijis ietjá iemeálmugij tevstaj gáktuj.</p>
---	---	---